



Broj:01-04-25-1103/26
Datum: 27.07.2026. godine

Na osnovu člana 8. Stav 3. Zakona o principima lokalne samouprave FBiH ("Službene novine FBiH broj: 49/06 i 51/09) Odluke o izvršenju budžeta Općine Travnik („Službene novine Općine Travnik“, broj: 26/25) i programa utroška sredstava za sportska udruženja i udruženja građana za 2026. godinu, broj: 01-04-25-622/26,(„Službene novine Općine Travnik“, broj: 6/26) Općina Travnik, r a s p i s u j e

**JAVNI POZIV
za kandidovanje projekata iz neutrošenog dijela sredstava sportskim udruženjima i
udruženjima građana (organizacijama civilnog društva) za 2026. godinu /drugi poziv**

Član 1

Općina Travnik poziva sportska udruženja i udruženja građana, registrovana na području Općine Travnik da dostave prijedloge projekata koji su od posebnog značaja za lokalnu zajednicu. Prijedlozi projekata moraju biti u skladu sa razvojnim ciljevima Općine Travnik, strateškim dokumentima i akcionim planovima, te doprinijeti unapređenju društvenih, privrednih i sportskih aktivnosti u općini.

Član 2

- (1) Pravo na dodjelu budžetskih sredstava za sufinansiranje imaju neprofitne organizacije koje realizuju aktivnosti, djeluju ili provode svoje projekte i druge aktivnosti na prostoru Općine Travnik.
- (2) Udruženja od posebnog interesa ne mogu učestvovati u ovom javnom pozivu.
- (3) Korisnici sredstava iz stava 1. ovoga člana kojima su dodijeljena sredstva za prethodnu godinu, a koji nisu dostavili finansijski izvještaj o namjenskom utrošku sredstava dodijeljenih za prethodnu godinu, ne mogu učestvovati u raspodjeli sredstava za tekuću godinu.
- (4) Korisnici sredstava koji su ostvarili pravo na dodjelu sredstava u prethodnom/ prvom Javnom pozivu ne mogu učestvovati u drugom / Javnom pozivu.
- (5) Jedna neprofitna organizacija može podnijeti zahtjev za maksimalno tri projekta u okviru jedne kalendarske godine. Projekti se navode na jednom prijavnom obrascu sa uključenim troškovima za sva tri projekta.

- (1) Javni poziv za transfere neprofitnih organizacija obuhvata sljedeće oblasti:
 1. TRANSFER ZA SPORT ZA PROJEKTE PO JAVNOM POZIVU (ukupan budžet: 44.500,00 KM)
 - a) projekti sportskog i rekreativnog sadržaja
 - b) projekti omasovljavanja sporta
 - c) projekti širenja zdravstvenog i rekreativnog sporta
 - d) projekti afirmacije sporta
 - e) podrška sportskim klubovima i sportskom savezu
 2. TRANSFERI UDRUŽENJIMA ZA PROJEKTE PO JAVNOM POZIVU (ukupan budžet 73.500,00)
 - a) projekti humanitarne pomoći socijalno ugroženim građanima, izbjeglim i raseljenim licima, starim i bolesnim osobama, djeci bez roditelja, žrtvama nasilja i sl.
 - b) organizovanje besplatne podjele hrane, odjeće, medicinskih i drugih potrepština.
 - c) psihosocijalni projekti (savjetovalište i radionice)
 - d) edukativni projekti za borbu protiv aktuelnih poroka u društvu (droga, kriminal, alkohol i ostalo)
 - e) edukativni projekti za djecu i učenike

- f) projekti osnaživanja i socijalnog uključivanja osjetljivih i marginaliziranih društvenih grupa.
- g) promocija Travnika sa domaćim i međunarodnom organizacijama, kao što su konzulska vremena, noćna utrka, Ilhamijini i Andrićevi dani i sl.
- h) jačanje kapaciteta suradnje sa dijasporom
- i) projekti jačanja kapaciteta digitalnih i informacionih tehnologija
- j) jačanje kapaciteta sa partnerskim gradovima
- k) projekti usmjereni ka jačanju partnerstava između javnog, civilnog i privatnog sektora
- l) projekti kreativnog izražavanja u muzici, pozorištu, medijima, folkloru, književnom stvaralaštvu, umjetničkoj fotografiji, likovnoj umjetnosti, i sl.
- m) projekti usmjereni ka očuvanju i promociji kulturne baštine.
- n) projekti očuvanja zaštite od požara, poplava i drugih elementarnih nepogoda
- o) projekti udruženjima za njegu osoba sa invaliditetom
- p) projekti koji promovišu odgovoran odnos prema prirodi, ekologiji i unapređenju kvaliteta življenja
- q) projekti edukacije građana o očuvanju i zaštiti čovjekove okoline i životinja projekti usmjereni ka uređenju prostora

Član 3

Budžetska sredstva će se dodjeljivati na osnovu prijave na javni poziv za projekte koji su od značaja Općini Travnik.

Član 4

- (1) Vrednovanje projekata vrši Odbor za društvene djelatnosti a nadzor nad utroškom sredstava provodi Služba.
- (2) Odbor za društvene djelatnosti uz prethodno razmatranje i utvrđivanje zadovoljavanja općih, pozitivnih, posebnih i eliminacijskih kriterija propisanih ovim Programom, sačinjava listu o raspodjeli sredstava i istu dostavlja Načelniku na saglasnost.
- (3) Služba će provoditi kontrolu namjenskog utroška sredstava odobrenih korisnicima na osnovu izvještaja koji je dostavio korisnik, a prema potrebi, i neposredno kod korisnika sredstava.
- (4) Služba je dužna nakon obavljenog nadzora, najkasnije do 15.04.2027. godine, Načelniku dostaviti izvještaj o kontroli utrošenih sredstava za prethodnu godinu.

Član 5

- (1) Podnosioci zahtjeva, podnose prijavu na javni poziv Službi za razvoj, privredu i vanprivredu
- (2) Prijava iz stava (1) ovog člana treba sadržavati:
 - a. popunjenu prijavnu dokumentaciju;
 - b. rješenje o registraciji;
 - c. uvjerenje o poreznoj registraciji - ID broj;
- (3) Podnosilac zahtjeva može tražiti ukupni iznos vrijednosti projekta ili dio odgovarajućih sredstava, što je dužan naznačiti u zahtjevu.

Član 6

Prijavnu dokumentaciju podnosi ovlašteno lice podnosioca i ista sadrži:

- a) Obrazac 1. (podaci o podnosiocu prijave; podaci o priloženoj obaveznoj dokumentaciji);
- b) Obrazac 2. (izjava)
- c) Obrazac 3. (glavni projekat sa elementima: naziv projekta; nosilac projekta; sadržaj projekta; ciljevi koji se postižu provođenjem projekta; vrijeme realizacije projekta; ukupan iznos sredstava za realizaciju projekta; traženi iznos sredstava od Općine; partnerstvo u realizaciji projekta; troškovnik projekta).

Član 7

- (1) Vrednovanje projekata provest će se u skladu sa ispunjenosti općih i posebnih kriterija propisanih Programom utroška sredstava za sportska udruženja i udruženja građana za 2026. godinu.
- (2) Kao dokaz ispunjavanja općih uvjeta podnosilac prijave je dužan dostaviti dokumentaciju navedenu u članu 5. Programa

Pored općih i posebnih kriterija kod vrednovanja projekata Odbor za društvene djelatnosti će uzeti u obzir i kriterije koji slijede:

- (1) Pozitivni kriteriji su:
 - a) projekat će se provesti na prostoru Općine ili će imati pozitivan učinak za Općinu;
 - b) poštovana je procedura pisanja projekta;
 - c) jasno je definisana ciljana grupa;
 - d) očekivani rezultati su mjerljivi, realni i ostvarivi;
 - e) fokus projekta se odnosi na ljudska prava, rad sa djecom i omladinom, rad sa socijalno ugroženim stanovništvom, građanski aktivizam, zdrav način življenja i slično;
 - f) promovisanje kulturnih, historijskih, obrazovnih, sportskih i drugih vrijednosti Općine Travnik.
- (2) Eliminacijski kriteriji su:
 - a) projekat nije dostavljen u naznačenom roku;
 - b) nedostaju formalni uvjeti za kandidovanje projekta (nepotpuna ili netačna dokumentacija);
 - c) nedostaju ključne informacije o projektu;
 - d) projekat svojim sadržajem nije od značaja za Općinu Travnik
 - e) izvještaj o utrošku sredstava za prethodnu godinu.

- (1) Odbor za društvene djelatnosti je dužan sačiniti Listu o raspodjeli sredstava i istu dostaviti Načelniku u roku od 25 dana od dana isteka roka javnoga poziva.
- (2) Ukoliko Odbor za društvene djelatnosti ne pripremi Listu o raspodjeli sredstava u predviđenom roku (Stav 1 ovog člana), Načelnik općine formira komisiju koja će utvrditi Listu i istu dostaviti Načelniku na saglasnost.

Sredstva za transfere neprofitnim organizacijama izdvajat će se iz Budžeta Općine za tekuću godinu u iznosu od 118.000,00 KM, u skladu sa Odlukom o izvršenju budžeta.

Korisnik sredstava dužan je, nakon realizacije odobrenog projekta, dostaviti izvještaj o realizaciji projekta i utrošku odobrenih sredstava, najkasnije do 15.3.2027. godine, a na zahtjev Službe, i u toku realizacije projekta.

Javni poziv za dodjelu sredstava iz budžeta Općine Travnik za dodjelu sredstava sportskim udruženjima i udruženjima građana za 2026. godinu, ostaje otvoren 8 dana od dana objavljivanja.

Prijave na Javni poziv sa potrebnom dokumentacijom predaju se na protokol Općine Travnik ili putem pošte na adresu:

Općina Travnik
Služba za razvoj, privredu i vanprivredu
Ul. Konatur bb
72270 Travnik

Prijave se podnose u zatvorenoj koverti sa naznakom „Prijava po javnom pozivu za transfere neprofitnim organizacijama“, sa naznakom „**Ne otvaraj!**“.

Nepotpune i neblagovremene prijave neće se uzimati u razmatranje.

Liste odabranih korisnika bit će objavljene na oglasnim pločama i web stranici Općine Travnik.

N A Č E L N I K
sci. Kenan Dautović

